

摘藻堂四庫全書薈要

集部

欽定四庫全書薈要

集部

小畜集卷十一

二

詳校官助教臣常循



欽定四庫全書薈要卷一萬四千一百三十六

集部

小畜集卷十一

宋 王禹偁 撰

律詩

茶園十二韻

送董諫議之任湘潭

送江州孫膳部歸闕兼寄承旨侍郎

立春前一日雪

送嚴判官儒歸滁州

將巡堤堰先寄高郵蔣知軍

送閤門秦舍人

病起思歸

寒食

酬太常晁丞見寄

張屯田弄璋三日略不會客戲題短什期以滿

月開筵

寄秀州馮十八禮丞同年

送丁謂之再奉使閩中

牡丹十六韻

朱紅牡丹

芍藥花開憶牡丹絕句

海僊花詩

并序

后土廟瓊花詩二首

并序

櫻桃漸熟牡丹已凋恨不同時輒題二韻

芍藥詩

并序

暮春

酬高郵知軍蔣殿丞見寄

又和寄惠藤篋絕句

先帝登遐聖君嗣位追惟思顧涕泣成章

登壽寧寺閣

池上作

和國子柳博士喜晴見贈

公退言懷

公餘對竹

官舍偶題

贈呂通秘丞

贈虛已

贈省欽

贈王殿院同年

留別揚州池亭

池邊菊

揚州道中感事兼簡史館丁學士

太宗皇帝輓歌三首

闕下言懷上執政三首

送邵察院知朗州

送直館高正言轉運荆湖

送宋澥處士之長安

送刑部韓貲外同年致仕歸華山

贈狀元先輩孫僅

贈浚儀朱學士

書懷送田二舍人自吏部郎中出典泰州

寒食出城馬上偶作

病中書事上集賢錢侍郎五首

賃宅

青猿

寓直偶題

項年謫官解梁收得令狐補闕毛詩音義其本

乃會昌三年所寫數行殘缺後人添之其筆
跡乃工部畢侍郎所補也昨因問之乃云亡
失多年矣作四韻以還之

伏日偶作

和吏部薛員外見寄

贈密直張諫議

寄狀元孫學士

何

送譚殿院之任南陽

送河陽任長官

和屯田楊郎中同年留別之什

送臨清楊可主簿入蜀

送淳于中舍縣軍侍養

送正言楊學士億之任縉雲

送第三人朱嚴先輩從事和州

送南陽李太傅二首

壽孫三日

茶園十二韻

揚州作

勤王修歲貢晚駕過郊原蔽芾餘千本菁葱共一園牙

新撐老葉

新牙之上去年舊葉尚在

土軟迸深根舌小侔黃雀毛猥

摘綠猿出蒸香更別入焙火微溫採近桐華節生無穀
雨痕緘滕防遠道進獻赴頭番待破華胥夢先經閭闔
門汲泉鳴玉甕開宴壓瑤樽茂育知天意甄收荷主恩
沃心同直諫苦口類嘉言未復金鑾召年年奉至尊

送董諫議之任湘潭

依依行色滿帆檣又借仁風惠遠方暫去長沙非賈誼
猶虛時相待張蒼檻前波浪瀟湘濶雨後汀洲橘柚香
翰苑放臣知最幸願聽民訟繼甘棠

送江州孫膳部歸闕兼寄永旨侍郎

九江為郡鬢成霜淮海相逢共黯傷放逐翰林同李白
蹉跎郎署似馮唐才名各負詩千首離別無辭酒一觴
歸見鰲頭如借問為言張也減剛腸

孫與永旨侍郎同年

立春前一日雪

一色滿淮海，莎堦曉欲平。
氣寒知臘在，勢猛共春爭。
飄泊殘梅妬，龍鍾老檜擎。
隨風無定態，入竹有繁聲。
倚檻吟忘倦，援毫畫不成。
南鄉消瘴癘，東作助農耕。
片颺鴛毛遠，光翻蝶翅輕。
任貧添酒債，慵掃慰詩情。
羣玉峰巒秀，華胥世界清。
老郎無政術，沉酒卧江城。

送嚴判官儒歸滁州

永陽謫宦鬢成華，唯有賓從最可誇。
文翰東堂進士第，風流南國相公家。
移官我未歸丹禁，迴棹君今指白沙。

滁上淹翔雖已久寺樓山色對琅琊

將巡堤堰先寄高郵蔣知軍

二十年前在濮陽賓筵留我共飛觴當時進士衣如雪
今日郎官鬢有霜吏役可堪巡堰埭軍城猶喜接封疆
能來界首相期否堤上依依柳漸黃

送閤門秦舍人

郡印我未解輶軒君不留相逢那幾日此別又經秋山
雪晴猶在河漸暖漸浮內庭連上閤早晚共優游

病起思歸

二首

卷十一

年來多病轉思山終日呻吟簿籍間
叔夜養生休著論

陶潛難死只應閒

陶潛云人生實難死

又移郡印三年調未報君

思兩鬢斑安得便歸田里去松篁泉石掩柴關

四十為郎非不偶况曾提筆直瀛洲
明時遇主誰甘退

白髮侵人自合休夢得蹉跎因出郡

劉夢得貶謫為郎四十餘年

薛

能詩什恥監州

薛許昌詩云監州是戲儒

春來病起思歸甚未敢飛

章達冕旒

寒食

寒食江都郡青旗賣楚醪樓臺藏綠柳籬落露紅桃妓
女穿輕屐笙歌泛小舫使君慵不出愁坐讀離騷

酬太常晁丞見寄

當年布素定交情恨不同為出谷鶯猶作三丞君最屈
偏尋兩制我知榮湮沉莫厭青衫在彼此俱嗟白髮生
重入玉堂非所望汶陽田好欲歸耕

晁詩祝子
再入翰苑

張屯田弄璋三日略不會客戲題短什期以滿月

開筵

布素相交二十年喜君新詠弄璋篇洗兒已過三朝會
屈客應須滿月筵桂子定為前進士蘭芽無是小屯田
至時擔酒移厨去請辦笙歌與管絃

寄秀州馮十八禮丞同年

君從婺女典嘉興我自滁陽到廣陵同被雪霜侵兩鬢
獨嗟官職是三丞郡齋新養華亭鶴鄉信時逢建業僧
願作入朝西道主只看黃霸詔書徵

送丁謂之再奉使閩中

繡衣直指東南夷，入奏風謠受聖知。
持節又從三殿出，演綸還較一年遲。
朝中謬拜推賢表，江畔空吟惜別詩。
郡印喧卑文會少，為君搔首落花時。

予在西掖
嘗舉謂之

牡丹十六韻

艷絕百花慙花中，合面南賦詩情莫倦。
中酒病先甘國色，渾無對天香亦不堪。
遮須施錦障，戴好上瑤簪。芭拆深擎露，
枝拖翠出藍。半傾留粉蝶，微亞摘宜男。
隣妓臨

粧妬胡蜂得藥貪，忽行晴吹動濃睡。曉煙含話別年經，
一相逢月又三遣。吾掇白髮為爾換新衫，池館邀賓看
銜庭放吏。叅仙娥，喧道院，魔女逼禪庵。道院禪庵皆公署內所有亂
惜窠難析，分題韻更探。歌歡殊未厭，零落痛曾諳。穀雨
供湯沐，黃鸝助笑談。顏生如見此，未免也醺酣。顏回不飲酒

朱紅牡丹

渥丹容貌著霓裾，何事僧軒祇一株。應是吳宮歌舞罷，
西施因醉誤施朱。

芍藥花開憶牡丹絕句

風雨無情落牡丹
翻階紅藥滿朱欄
明皇幸蜀楊妃死
縱有嬪嬙不喜看

海仙花詩

并序

海仙花者世謂之錦帶維揚人傳云初得海州山谷間其
枝長而花密若錦帶然予視其花未開如海棠既開如
木瓜而繁麗婀娜過之或一朵滿頭冠不克荷惜其不香
而無子弟可鈎壓其條移植他所因以釋草釋木驗之

皆無有也近之好事者作花譜以海棠為花中神仙子
謂此花不在海棠下宜以僊為號目之錦帶俚孰甚焉
又取始得之地命曰海僊且為賦詩三章題諸僧壁
一堆絳雪壓春叢嫋嫋長條弄晚風借問開時何所似
似將繡被覆薰籠

春憎窈窕教無子天為妖嬈不與香盡日含毫難比興
花中應是衛莊姜

何年移植在僧家一簇柔條綴彩霞錦帶為名卑且俗

為君呼作海儂花

后土廟瓊花詩

二首
并序

揚州后土廟有花一株潔白可愛且其樹大而花繁不知實何木也俗謂之瓊花云因賦詩以狀其態

誰移琪樹下僊鄉二月輕冰八月霜若使壽陽公主在自當羞見落梅粧

春冰薄薄壓枝柯分與清香是月娥忽似暑天深澗底老松擎雪白婆娑

櫻桃漸熟牡丹已凋恨不同時輒題二韻

紅芳落盡正無慘吟遶空枝首重搔最恨東君少才思
不留檀口待櫻桃

芍藥詩

并序

芍藥之義見毛詩鄭風百花之中其名最古謝公直中
書省詩云紅藥當堦翻自後詞臣引為故事白少傅為
主客郎知制誥有草詩畢詠芍藥詞彩甚為該備然自
天后以來牡丹始盛而芍藥之艷衰矣考其實牡丹初

號木芍藥蓋本同而末異也予以端拱乙酉歲由左司
諫為制誥舍人後坐事黜棄淳化甲午年又以禮部員
外郎牽復舊職尋以本官充翰林學士則謝公白傳之
任帶蹂躪矣自出滁上移廣陵追念綸闈于今九載而
編集之內未嘗有芍藥詩言于詞臣不得無過揚州僧
舍植數千本牡丹落時繁艷可愛因賦詩三章書于僧
壁

牡丹落盡正淒涼紅藥開時醉一場羽客暗傳尸解術

仙家重藝返魂香蜂尋檀口論前事露濕紅英試曉粧
曾忝掖垣真舊物多情應認紫微郎

東君留着占殘春得得遲開亦有因曾與掖垣留故事
又來淮海伴詞臣日燒紅艷排千朶風遞清香滿四鄰
更愛絲頭弄金縷異時相對掌絲綸

滿院勾開似赤城帝鄉齊點上元燈感傷綸閣多情客
珍重維揚好事僧酌處酒盃深蘸甲折來花朶細含稜
老郎為郡辜朝寄除却吟詩百不能

暮春

索莫紅芳又一年
老郎空解惜春殘
纔聞鶯囀誇楊柳
已被蟬聲哭牡丹
壯志休磨三尺劍
白頭誰藉兩梁冠
酒樽何必勞人勸
且折餘花更盡歡

酬高郵知軍蔣殿丞見寄

青雲豈望更翱翔
覽照唯添鬢雪光
為郡自知無政術
歸田猶擬拜封章
且眠錦帳趣蘭省
終掩雲關卧草堂
三入承明已過分
有何辭筆敵長楊

予兩知制誥
一入翰林

又和寄惠藤筐絕句

蠻藤編筐自番禺錦袋羅囊盡不如乞與揚州貯詩草

行春誰怕雨隨車

藤筐
耐雨

先帝登遐聖君嗣位追惟思顧涕泣成章

昂湖髯斷去難攀九五飛龍已御乾兩制舊臣生白髮
一番新貴上青天老為郎吏承綰經假作諸侯哭几筵
賤無由撰哀冊夢中空負筆如椽

登壽寧寺閣

乘興登虛閣披襟一望閒聖朝新日月

時帝初即位

亡國舊

江山柱隔晴虹斷簷喧夕鳥還歸衙不辭晚吟思白雲

閒

池上作

未遂滄洲去池邊弄綠波醉浮船底兀吟遶履痕多靜
照新華髮沉思舊釣簑晚涼得幽趣魚上戲圓荷

和國子柳博士喜晴見贈

霖霖為害正憂農昨日陰雲散碧空潑刺退灘魚失水

卷十一
啁啾高樹鳥知風洗開霽月嬋娟色放出秋光茜茜紅
勞寄新詩曲相賀由來災異繫三公

公退言懷

吏胥圍遶簿書堆病眼昏昏素髮垂已覺文章無用處
不歸田里待何時兩衙決事官差我五日延英詔問誰
賴有古人蹤跡在只應遽甯是吾師

公餘對竹

冠褐飄飄乍退公引吟留坐一叢叢買添幽景渾無價

洗却繁陰別有風，曾任雪欺終古綠。也從桃映暫時紅，
此君合是吾廬物。會種嬋娟伴釣翁。

官舍偶題

俸錢隨月盡，公務逐時生。白髮多悲感，皇華倦送迎。
奉身無實事，因我為虛名。會向滄浪上，秋風自濯纓。

贈呂通秘丞

楚州
監倉

聞君公事苦喧卑，紅粟堆邊獨斂眉。已入朝行翻掌庾，
未如畿尉且吟詩。

君前任
畿尉

堰頭笑傲同張祐，市裏優游

此路隨唯有才名藏不得山陽留滯肯多時

贈虛已

谿邊幽寺好煙霞別後春風幾度花夢憶一巖紅薜荔
心輕三事紕袈裟禪機悟了身無著詩句高來鬢有華
不遇蘇州韋應物畫公篇什向誰誇

贈省欽

師善八分太宗召于
殿上書數行賜紕

舊隱何年別翠微瀑泉聲外鎖禪扉御前曾寫八分字
天上特宣三事衣燈照夜庵霜後冷鼎烹秋菊雨中肥

終歸五老峰邊去
杯渡長江錫杖飛

贈王殿院同年

幾年淮海嘆驅馳
美拜初聞入奏時
乍作臺官勞馬揖
合為巡使近龍墀
多從此地升三字
莫向朝端說四推
縱遇省橋休拗項
郎官班列甚喧卑

時郎中八十餘員外數百員惟臺官

稍少

留別揚州池亭

竹遶亭臺柳拂池
徘徊終戀郡齋西
斜陽更上漁舟坐

明日紅塵逐馬蹄

池邊菊

綠池遶逕幾千栽
擬登高泛酒杯
未到重陽歸闕去
金英寂寞為誰開

揚州道中感事無簡史館丁學士

時與丁同赴京

淮邊為郡再相逢
又得同途赴九重
顧我尚騎天廐馬
共君遙想鼎湖龍
賁生比望朝文帝
白傳何期哭憲宗
攜手驛橋殘照裏
斷魂空對隔江峰

太宗皇帝挽歌

三首

卜世知無極上僊安可尋
祝堯違衆望傳啟合天心
陵栢蕭騷韻階茅寂寞陰
何人開殿閣塵暗九絃琴

舜化無偏黨堯年久耄期
世間人自哭天上事難知
終讓東封禮遂成南狩悲
金鑾舊學士頭白涕漣洏

日到虞泉落天從祀國崩
去年壽寧節今夕永熙陵
薤露悲風起松阡苦霧凝
龍髯攀不及千古恨難勝

闕下言懷上執政

三首

謬提文筆侍先皇謫宦歸來遇國喪仙駕只留燒藥鼎
總帷猶認諫書囊北辰別見天垂象西內渾疑海變桑
昨日梓宮陪哭臨淚多唯有老馮唐

早有虛名達九重宦途流落漸龍鍾散為郎吏同元稹
羞見都人看李邕舊日謬吟紅藥樹新朝曾獻皂囊封
猶期少報君恩了歸卧山村作老農

語詞黜責子孫羞欲雪前冤事已休浴殿失恩成一夢
昂湖攀駕即千秋道邊任死心終直澤畔長吟淚暗流

虞舜五臣知此事戲儒應免更監州

薛能詩云監州是戲儒

送邵察院知朗州

察院自淮南轉運乞侍養因有此除并拜母為縣太君

郡齋全占五谿雲就養辭權以孝聞重戴舊稱秦御史
高堂新授漢封君板輿為別經三載壽酒先斟滿十分
我歎今生無此事賦詩相別淚零零

送直館高正言轉運荆湖

象笏烏紗諫署榮運輸權重使蠻荆職叨三館圖書貴
地轄重湖水石清貪吏望風潛解印逋民知惠自歸耕

曹官寂寞馮唐老多羨乘軺澤國行

送宋澥處士之長安

內翰舍人弟

簪笏盈門獨紉蘭卧龍潜在八龍間翎原任說朝賢貴
鶴髦惟稱處士閒靜按僊經燒天藥狂換僧壁畫遙山
老郎見作歸休計分取圭峰並掩關

送刑部韓員外同年致仕歸華山

自察院求致仕

抗表辭烏府歸山鬢未秋朝簪還解多塵世謝蜉蝣拂
袖人生事懸車帝命優名光新日歷官占好詞頭應宿

郎曹美尋仙物景幽繡衣移蕙帶驄馬換耕牛對枕蓮
峰翠當門瀑布流妻閒栽藥草兒戲雜猿猴買竹憑牙
板疏泉濕鹿裘四推離督責三院肯淹留接武陶貞白
差肩許遠遊十洲如得侶萬戶任封侯脫灑因君去龍
鍾使我羞遷鶯情最洽化鶴術難求掌誥無文彩謀身
足悔尤紫垣頻忝竊白髮合歸休應璉叨三入張衡尚
四愁亦期婚嫁畢攘袂逐浮丘

贈狀元先輩孫僅

病中何事忽開顏記得詩稱小狀元

予淳化辛卯歲贈君詩云明年再就

堯堦試應被
人呼小狀元

粉壁乍懸龍虎榜錦標終屬鵲鴝原青雲

隨步登花塔紅雪飄衣醉杏園還有一條遺恨處不教
英俊在吾門

贈浚儀朱學士

學士新
知貢舉

潘岳花陰覆杏壇門生忝謁絳紗寬西垣久望神仙侶
北部休誇父母官雨屐送僧莎逕滑夜棊留客竹齋寒
何時儼直來相繼三入承明興漸闌

書懷送田二舍人自吏部郎中出典泰州

共歎蹉跎兩鬢蒼
立朝為郡是尋常
重歸謝客中書省
又送山濤吏部郎
三入承明身最忝
十年兄弟分偏長
喜聞辭日留前席
莫等多時住水鄉

寒食出城馬上偶作

欲報君親與願違
今年寒食任芳菲
八音過密因山後
雙淚滂沱拜墓歸
艷冶桃花迎馬笑
輕狂榆絮撲人飛
宦途時態更諳盡
猶愧妨賢直藪微

病中書事上集賢錢侍郎

五首

力疾奉朝謁歸來倦送迎老為儒術誤瘦愛道裝輕羅
藥幽香散移琴細韻生晨餐漸有味筍蕨倍關情

妻兒慣疏素僕馬任龍鍾一榻渾無物孤琴對病容風
翻簾影亂筆減研痕重幽寂誰為伴扶行賴瘦筇

食貧當歲旱朝退百端憂典笏逢休假焚香願有秋病
飢渾厭肉瘦冷未更裘夢見山村興披簑釣亂流

郎署領制誥十年未上坡馮唐空潦倒衛綰是誰何猶

賴甃垣直聊遮白髮多歸田未有計林樹綠婆娑
日日奉朝謁病多仍食貧揶揄應有鬼夷侯豈無人鳳
閣十年筆烏紗九陌塵集賢知己在應為指迷津

賃宅

老病形容日日衰十年賃宅住京師閣樓鳳鳥容三入
巢宿鷓鴣只一枝壁掛圖書多不久砌栽蘆葦亦多移
人生榮賤須知分會買茅庵映槿籬

青猿

小僕如猿狖貧家備招呼未堪隨馬足已慣典魚鬚時
洗塵侵硯閒收雨滴圖歸田如有計留負酒胡盧

寓直偶題

兩朝書命媿無才謾逐詞臣侍玉堦病似相如多避事
拙於方朔少詼諧命奇只合先休退道在何妨更卷懷
白手猶期議封禪一隨鑿輅見燔柴

頃年謫官解梁收得令狐補闕毛詩音義其本乃
會昌三年所寫數行殘缺後人添之其筆跡乃工

部畢侍郎所補也昨因問之乃云亡失多年矣作
四韻以還之

謫宦山州自訓童因求書籍有遭逢偶收毛鄭古詩義
識得歐虞舊筆蹤南郡携行心不足

此本自解梁徵廻便合袖上尋值侍郎

入聖上幕府不敢私謁遂携去滁揚二州

西齋送去手親封塵侵煙染尤堪

重年號標題歷武宗

伏日偶作

移床拖簟就南軒門掩閒坊半樹蟬多病形容唯有骨

食貧生計旋無錢掖垣已忝年深直朝謁終妨日宴眠
會解綸闈求郡印早收餘俸卜歸田

和吏部薛貞外見寄

張也好剛多悔吝唯憑忠信自書紳嚴陵知退遺榮利
只擬滄浪把釣綸老去赴朝慵待旦病來求假動經旬
西垣典味更諳盡一片烏紗滿馬塵

贈密直張諫議

與子結婚

先皇憂蜀輟樞臣獨冒兵戈出劍門萬里辭家堪下淚

四年歸國似還魂弟兄齒序元投分兒女親情又結婚
且喜相逢開口笑甘陳功業不須論

寄狀元孫學士何

久居臺閣多憂畏欲薦賢才涉比周灰死寸心甘不動
雪侵雙鬢未能休封章事寢空騰謗制誥詞荒益自羞
唯愛君家棣萼榜登科記上並龍頭

送譚殿院之任南陽

大底人生樂故居山川况復漢南都別來墳墓有宿草

歸去田園多綠蕪銀印莫羞雙鬢白錦衣兼照兩轡朱
西垣衰病無慘客空羨此行歌袴襦

送河陽任長官

宰君行李苦蕭疎妻子龍鍾尚跨驢醉眼且看花滿縣
愁顏莫望果盈車頭銜新換呼明府科第元高得校書
誰解吟詩送行色茂陵多病老相如

和屯田楊郎中同年留別之什

科名長恐辱同年許國丹誠皎日懸謬掌斯文雖未喪

欲行吾道即無權謝公留滯蒼苔院潘岳征行落葉天

引重力輕深自媿強酬詩什益淒然

予嘗舉奏屯田未有恩旨

送臨清楊可主簿入蜀

楊父為諸司使祖有贈官及第授官後以父命歸拜

祖墳焚

所贈誥

脫白去焚黃遙知祖德光墓墳喬木老襟袖桂枝香迴
見梅含雪歸逢橘飽霜子雲應有宅為買草玄堂

送淳于中舍懸車侍養

懸車東去謝明朝擺脫簪纓似一毛望苑官清諧侍養

督郵名賤恥徒勞青宮位在他年起綵服身歸此日高
我媿無親尸厚祿與君書命淚霑袍

君授萊州錄事乞致仕

送正言楊學士億之任縉雲

弱冠珥朝簪才堪直翰林重違君厚遇聊奉母懽心
筆削留惇史囊裝貯賜金帆張淝河濶山對括倉深
暫歇趨朝馬重聞故國禽幽蘭南澗採壽酒北堂斟
務簡慵開閣家豐不典琴綵衣方侍養紅藥即供吟
我占掖垣久自驚年鬢侵妨賢無罔極相送淚盈襟

送第三人朱嚴先輩從事和州

賃船東下歷陽湖，榜眼科名釋褐初。
賓職不憂無厚俸，

郡齋唯喜有藏書。

錢侯聚書尤多

伴吟先買秋江鶴，醒酒時烹

晚市魚。廉使多情應問我，為言衰病似相如。

送南陽李太傅

二首

兩朝黃閣預彌綸，又策春坊第一勲。
僧塔舊題前進士，齋壇新拜上將軍。
馬銜金勒衝微雪，雁避紅旌入斷雲。
還似徐州張僕射，御詩相送四方聞。

紅旆飄飄奪曉霞御筵相送出京華
仲尼俎豆真儒者卻穀詩書屬將家
腰下已懸如斗印門前看見築堤沙
先朝學士期牽復待草南陽入相麻

壽孫三日

經年病不飲此日一開樽
鑑裏休嫌老懷中已抱孫
紅綈裁錦段香水浴銀盆
他日歸田去相扶入葦門

小畜集卷十一

欽定四庫全書薈要卷一萬四千一百三十七

集部

小畜集卷十二

宋 王禹偁 撰

歌行

謝宣賜御草書急就章并朱郎舊集歌

應制皇帝親試貢士歌

謝政事王侍郎伏日送冰

酬贈田舍人

對雪示嘉祐

送姚著作之任宣城

送晁監丞赴婺州闕市之役

還揚州許書記家集

酬處才上人

和張校書吳縣廳前冬日雙開牡丹歌

和馮中允爐邊偶作

賦得南山行送馮中允之辛谷冶按獄

烏啄蒼驢歌

謝宣賜御草書急就章并朱邱舊集歌

臣聞伏羲畫卦樸且淳蒼頡造字初有文大篆小篆八
分體楷隸章草何紛紛因茲八法各有要遂使六藝區
以分其中最難惟草聖玄妙工夫自天性又聞關雎本
王化四始洋洋風化下比興賦頌六義分乃有變風無
變雅仲尼刪後屈平作郢客李陵闢名價古來詩道難
得人其唱彌高和彌寡如今草聖與雅言盡在吾皇萬
幾暇元年十月近乾明宗文院靜寒霜晴直廬日午讐

書罷閒曳朱衣遶砌行中使傳宣來上界忙把魚鬚下
堦拜寶函鈿軸光陸離御札文書御製詩折腰播笏拭
雙目汗流魄駭聊一窺急就章何縱橫藍田種玉苗
初成雪花灑破煙嵐壁黑雲漏出天漢星乍似鮫人泣
下珠無數錯落晶熒滿盤貯又似大鯨吞盡滄海波查
牙露出珊瑚樹朱郎集何清竒仙風撼動瓊林枝漢皇
休道白雲句穆滿虛吟黃竹詩乍似三春直上伯陽臺
熙熙物華當眼開又似十洲夜伴王母宴鸞歌鳳吟次

第來小臣再拜受一軸擣紙抄書猶未足焚香朝向天
日看執簡夜對星辰讀臣見高宗飛白亦有名筆跡往
往頒公卿所得不過三五字當時臣子猶為榮又見玄
宗詩什頗留意吟咏時時成御製屬和止于一兩篇至
今史冊猶為貴若徵往事比明時萬分之一徒爾為未
如我四十三紙聖人作一百二章天子詩永為家寶藏
書篋豈讓西方貝多葉且教世世傳子孫長與皇家作
臣妾

應制皇帝親試貢士歌

天王出震震海清奎星燦燦昭文明詔令郡國貢多士
大張珠網羅羣英皇情孜孜終不倦日斜猶御金鑾殿
宮柳低籠三月煙爐香飛入千人硯麻衣皎皎光如雪
一一重瞳親鑒別孤寒得路荷君恩聚首唯言盡臣節
小臣蹤跡本塵泥登科曾賦御前題屈指方經五六載
如今已上青雲梯位列諫官無一語自問將何報明主應
制非才但淚垂強作登歌歌舜禹

謝政事王侍郎伏日送冰

火雲如山暑雨歇
天地爐烘三伏月
玉皇教散閬苑冰
斲開北陸瓊瑰窟
峨峨貯向瑤花合
分命中官賜黃閣
鳳皇池上玉壺盛
溫樹風聲頓蕭颯
台恩分與西垣士
綸誥稀疏方假寐
卞和抱璞入直廬
從此驚忙不成睡
怒蟬休向筆端飛
抵鵲渾疑山下墜
寒生毛髮清牙齒
脆若玉芝甘似醴
炎風暑氣都不知
空作狂歌謝知己

酬贈田舍人

君不見天上星辰拱環極忽然墮地變成石又不見雲
中鷹隼橫高秋有時搗翼化作鳩人生進退甚類此左
遷右轉誰自由憶昔逢君在鄒魯翰林文人東道主一
言得意便定交數日論文暗相許邇來倏忽十餘年共
上赤霄連步武禁中更直承明廬深喜薰葭依玉樹兩
制惟君最清慎筆力辭鋒有餘及方期夜直金鑾坡誰
知共理淮陽郡官銜新換版曹郎腰佩初懸列侯印西
垣三字班列閒南面百城資望峻且應盡意頒詔條豈

復迴頭顧文陣下車果有謳謠生賣刀買犢民歸耕黃
髮老農鼓腹唱雪花雙鹿扶輶行棠陰露濃滴朱紱麥
秋風冷吹紅旌行春多暇吟情發間作長歌寄同列歌
中首寫明君語指點神仙為舊侶嚴徐雖合在蓬瀛召
杜已聞為父母重來便恐調金鉉無復區區掌文翰直
如經歲未徵黃道在何勞重嗟嘆入則步蒼苔詠紅藥
了事舍人孫處約出則張皂蓋擁朱輪賢明太守召信
臣請君屈指數交友似此宦名能幾人逢時誰不欲行

道遇主我亦思庇民功名富貴皆待命出處語默聊衛
身一車甘雨方建隼萬國淳風莫泣麟他時宣室召賈
誼賢人事業當併伸缺間忍見烏兔走鑑裏星星將白
首休耽鈴閣家藏書且酌郡齋官給酒嬰兒稚女滿眼
前莫負時光開笑口

對雪示嘉祐

去年看雪在商州使君命我山寺頭峰巒草樹六百里
饑飢凍鳥聲啾啾山城窮陋無妓樂何以銷得騷人愁

抱餅自瀉不待勸乘興一引連十甌晚歸上馬頗自適狂
吟醉舞夜不休今年看雪在帝里瑤臺瓊樹佳氣浮朝
迴攬轡聊四望移下五城十二樓樽中有酒翻不飲鬱
鬱不快非怨尤吾兒嬌駭未曉事問我胡不私獻酬因
令把筆寫我意為渠吟作雪中謳昔為副使不理事待
罪且免憂人憂今為諫官非冗長拾遺三館俸入優秋
來連澍百日雨未黍漂溺多不收如今行潦占南畝農
夫失望無來甡爾看門外饑餓者往往殍殍殍渠溝我

冠旅進又旅退曾無一事裨皇猷俸錢一月數家賦朝
衣一襲幾人裘安邊不學趙充國富民不作田千秋胡

為碌碌事文筆歌詩頌聖如俳優一家衣食仰在我縱
得飽煖如狗偷況我眼昏頭漸白安能隱几勤校讐何
時提女歸田去賣馬可易數隻牛深耕淺種苟自給藜
羹豆粥充饑喉黍畦鋤理學元亮瓜田澆灌師秦侯素
殮免作疲人蠹開卷免對古人羞未行此志吾戚戚對
酒不飲抑有由斯言不敢向人道語爾小子為貽謀

送姚著作之任宣城

平生聞說宣城郡，水石幽奇人物俊。
檻外澄江練不收，窓中遠岫眉初印。
六朝繁盛至隋唐，才人名士遙相望。
謝公向北憑熊軾，白傅曾為鹿鳴客。
江樓山寺多賦詩，往往題名在僧壁。
皇家早歲平吳後，翰林賈公為太守。
至今清話玉堂中，夸詫江山不離口。
吾君御極初選藝，東樞貳卿新擢第。
解褐曾縻佐郡官，首得宣城為歷試。
紫微田郎次登科，東樞受代傳廳事。
第三榜中第二人，

今在烏臺為察視邇來通倖少名流雲泉竹樹應色羞
今春忽命姚著作學術縱橫才磊落當年雄揖第三名
官路迢邐久漂泊去歲獻文重召試新恩始上芸香閣
未教修史未演綸宣城奉使聊親民且忻彩服得就養
莫歎朱衣未即真舊遊應有交朋在此去仍言婚宦新
下車布政民休休高吟淺酌誰獻酬夜深紅燭在何處
綺霞閣通疊嶂樓公權書札燕許詞未免山僧乞撰碑
撰碑書碑即三載眼看徵詔在丹墀却愁未盡江南興

閒坐蓬瀛揮玉柄黃樞侍臣兩制官待君同說宣城景
送晁監丞赴婺州闕市之役

闕征市賦縻賢俊誰愛此官為吏隱將作晁丞于役時
婺女星臨海邊郡黃綰辭高位尚卑白華行潔身猶困
會待來時即併伸也知道在終無悶君不見路隨含笑
坐市中屈身豈愧丹陽尹又不見張生狂醉戀揚州冬
瓜堰下甘肥遁此行況是奉皇華數丈輕舸載一家携
瓶下岸買竹葉挂席背風穿蓼花霜晴震澤初嘗橘泉

過惠山應試茶虎谿曉雲靈隱雪錢塘夜潮照湖月密
排詩景在途中旋吟新句教兒童漸近金華見隼旗五
馬來迎使者車應知驥足暫拘絆八詠樓開頻啓宴醉
中官妓乞歌詩刻谿紙貴抄新詞他年誰獻子虛賦召
入金門五雲路因思元白在江東不似晁丞今獨步

還揚州許書記家集

許渾孫進
家集得官

君不見近代詩家流胡為蹇滯多窮愁孟郊顛顛死逆
旅浪仙斥逐長江頭張生漂泊冬瓜堰徒云輕薄萬戶

侯浩然無成鹿門去李洞慟哭昭陵休生無風教興王
化死無勲爵貽孫謀可憐詩道日已替風騷委地何人
收高陽許公精六義獨向聖朝生後嗣因將先集進九
重高步金臺曳珠履祖德光輝聖主知府尹賢明丞相
子

時維揚權牧即故
中令薛相之子

廣陵郡大古九州記室官清外三

字遂令天下學詩人健美君家窮四始我來迎侍游江
都玳筵往往陪歡娛遂求家集恣吟諷海波乾處堆珊
瑚因思賈孟數家一何苦詩鬼嗷嗷餒無主子孫淪沒

誰及君閒倚紅蓮傾綠醕草檄餘閒好賦詩莫教風情
忝爾祖

酬處才上人

我聞三代淳且質華人熙熙誰信佛茹疏剃髮在西戎
胡法不敢干華風周家子孫何不肖奢淫昏亂隳王道
秦皇漢帝又雜霸只以威刑取天下蒼生哀苦不自知
從此中國思蠻夷無端更作金人夢萬里迎來萬民重
為君為相猶歸依咄咄聾俗誰敢非若教都似周公時

生民豈肯須披緇可憐嗷嗷避征役半入金田不耕織
君子之道動即窮亦有賢達藏其中上人來自九華山
叩門遺我瓊瑤編錚錚五軸餘百篇定交仍以書為先
書中不說經文中不言佛有心直欲興文物感師自遠
來相親為師畫卦成同人出門無咎非羣分袂娑墨綬
何足云

時為長
洲令

和張校書吳縣廳前冬日雙開牡丹歌

依韻

君不見年年三月千叢媚紫爛紅繁誇勝異尋常人戴

滿頭歸醉折狂分不為貴枝間葉盡根空培人情皆待
明年開化工自有呼魂術霜前喚下瓊瑤臺王母親將
金粉傳麻姑齊借霓裳來主人蓋是神仙才不然此物
胡為而來哉二姬勸酒誰引滿長洲懶吏先舉杯多感
同年與攀折吟詩欲謝難輕發青宮校書方遁跡代我
作歌如錦拆他年吾輩功業成與君共作騎鯨客

和馮中允爐邊偶作

誰為東君掌青律故將春日連人日春日雨絲暖融融

人日雪花寒慄慄雨雪寒暖苦不同可比交情去就中
仲咸擁爐發歌咏古風激破澆漓風人情離合古來有
名公初亦疑周公汾陽臨淮本讐隙一旦分兵若親戚
四公翻覆人不譏各各操心為邦國此外壽張多為已
反掌背面如千里張耳陳餘不忍言魏其武安何足齒
我愛中庸君子心心與人交淡如水別有人間勢利徒
一去一就隨榮枯西漢董賢方倭倖孔光迎拜卑如奴
是時楊雄在東觀投閣欲死無人扶有唐力士夫人死

朝士執喪如喪妣是時李白放江邊憔悴無人供酒錢
小人之性何所似真如蜂蝶并螻蟻尋春逐臭苟朝昏
豈顧松篁與蘭芷重君誓心一何極澗底松兮陵上栢
澗松陵栢有朽時我約君心無改易

賦得南山行送馮中允之辛谷冶按獄

商山三月花如火草樹青葱雨初過柳條漸軟蝶雙飛
桑葉尚多蠶一卧薄情野水流不迴無力春雲慵欲墮
團團榆莢是誰拋漠漠游絲向人彈可憐花木間嵐光

花前正好飛觥馮君夙駕一何速捧檄銀坑按辛谷
轉輸昨日又移文小眊訴謀何紛紛見說南山六百里
阻盡馬蹄摧屐齒是何屈于不知已衝斗太阿教補履
龍無尺水且蟠泥驥困鹽車但垂耳片言折獄亦胡為
必也無訟方君子吾徒事業本稽古得行其志當刑措
畫衣畫地免煩苛抵壁捐金返淳素未行此道且營營
營營為祿聊代耕殘春小別不足念為君高唱南山行
南山一月期回首莫訴臨歧數卮酒

烏啄瘡驢歌


卷十二

商山老烏何慘酷
嘴長于釘利于鏃
拾蟲啄卵從爾為
安得殘吾負瘡畜
我從去歲謫商於
行李唯存一蹇驢
來登秦嶺又巉嶺
為我馱背百卷書
穿皮露脊痕連腹
半年治療將平復
老烏昨日忽下來
啄破舊瘡取新肉
驢號僕叫烏已飛
劇膚整毛坐吾屋
我驢我僕奈爾何
悔不挾彈更張羅
賴是商山多鷲鳥
便問鄰家借秋鷄
鐵爾拳鈴鉤爾爪
折烏頸兮食烏腦
豈唯取爾饑腸飽

亦與滄驢復雙了



小畜集卷十二



總校官庶吉士臣張能照

校對官中書臣金光悌

膳錄監生臣沈恕

欽定四庫全書薈要

集部

小畜集卷十

三至五

詳校官助教臣常循



欽定四庫全書薈要卷一萬四千一百三十八

集部

小畜集卷十三

宋王禹偁撰

歌行

酬安秘丞歌詩集

酬安秘丞見贈長歌

拍板謠

對酒吟

戰城南

苦熱行

瑞蓮歌

并序

筵上狂歌送侍棊衣襖天使

還楊遂蜀中集

啄木詞

秋鶯詞

江豚歌

酬安秘丞歌詩集

我聞天有二十八箇星降生下界為英靈東方曼倩蕭
相國至今留得終天名又聞地有三十六所洞洞中多
聚神仙衆神仙負過遭譴謫來人世為辭客李白王
維并杜甫詩顛酒狂振寰宇今來相去千百年寥落乾
坤間無覩皇天何不生奇人庸兒蠢夫空紛紛夜眠朝
走不覺老飯囊酒甕奚足云陶丘忽見安秘書星精僊
骨真有餘月中曾折最高桂超出玉兔驚蟾蜍示我歌
詩百餘首筆鋒閃閃摩星斗乍似碧落長拖萬丈虹飲

竭四海波瀾空又似赤晴乾撒一陣雹打折瓊林枝倒
卓夜來夢見李長吉叩頭再拜湏來乞自言失却照海
珠至今黑坐驪龍窟方知安侯不是星辰類即是神僊
輩不然又爭得標格峻邁文辭顛怪有時醉起一長噫
韻叶八極風清鬼神駭他年却入蓬萊宮休使麻姑更爬
背

酬安秘丞見贈長歌

我聞進士登科換凡骨信知不是風塵物貢籍由來數

百年直疑空却神僊窟其間最貴龍虎榜乘時得路為
卿相一從巢寇犯闕來梁氏禮闈還草創莊宗明宗雖
膺命晉朝漢朝俱不永其中縱得神仙材太平不見哀
之哉上玄應恐天地間安僊又謫來人寰二十把筆疏
辭源黃河傾落崑崙山有周道衰猶歎鳳天公留得歸
皇宋天水名郎掌貢時禹門萬仞連雲聳不是真龍不
能過嗔波怒浪澆雷火是歲北極七箇星一時下降為
門生安僊堂堂冠其首六星煌煌願隨後騶虞賦就鏗

金石丹水詩成槁錦繡玉皇殿前受恩渥一時命入芙蓉幕獨得歸州近巫峽十二晴峰長在曉郡齋狂醉復狂吟書盡巴東一川葉邇來游宦五六年吳山越水供新編還同白傳蘇杭日歌詩落筆人爭傳去年始上芸香閣出典陶丘滯鋒鏑阮籍營中浮蟻馨亞夫門外垂楊弱驥足雖知暫縻絆樽前未始長嗟嘆只應會得老聃言大器本來成最晚吾君正是興文教不日徵歸掌綸誥醉挨雉扇掃宮辭怒上螭頭呈諫草筆下追還三

代風祛盡澆漓成古道丈夫方見兼濟才莫學西山採
薇老我今自是蓬蒿身如何一見如故人長謔謂我相
翦飾便疑平地升青雲文章難得逢知己知己相逢貴
終始伊我行止方悽悽老親稚子相顧啼出門動足歧
路迷得君引上登天梯

柏板謠

麻姑親採扶桑木鏤脆排焦其數六雙成捧立王母前
曾按瑤池白雲曲幾時流落來人間梨園部中齊管絃

管絃才動我能應知音審樂功何全吳宮女兒手如筍
執向玳筵為樂準數聲慢僊人屐齒下雲棧老狐臘月
渡黃河緩步輕輕踏冰片數聲急空江電打漁翁笠鮫
人泣對水精盤滿抱珠璣連瀉入劃然一聲送曲徹由
基射透七重札金壘冷落閒無聞隴頭凍把泉聲絕律
呂與我數自齊絲竹望我為宗師總驅節奏在術內歌
舞之人無我欺所以唐相牛僧孺為文命之為樂句

對酒吟

勸君莫把青銅照一瞬浮生何足道麻姑又採東海桑
閨苑宮中養蠶老任是唐虞與姬孔蕭蕭寒草埋孤塚
我恐自古賢愚骨疊過北邙高突兀少年對酒且為娛
幾日樽前垂白髮安得滄溟盡為酒滔滔傾入愁人口
從他一醉千百年六轡蒼龍任奔走男兒得志升青雲
須教利澤施于民窮來高枕卧白屋蕙帶藜羹還自足
功名富貴不由人休學唐衢放聲哭

戰城南

邊城草樹春無花秦骸漢骨埋黃沙陣雲凝著不肯散
胡雛夜夜空吹笳我聞秦築萬里城疊屍壘土愁雲平
又聞漢發五道兵祁連澤北誇橫行破除璽綬因胡亥
始知禍起蕭牆內耗蠹中原過大半黃金買耐諸侯叛
直饒侵到木葉山爭似垂衣施廟筭大漠由來生醜虜
見日設拜尊中土自古控御全在仁何必窮兵兼黷武
戰城南年來春草何纖纖窮鄉近日恩信霑寒巖凍岫
青如藍方知中國有聖人塞垣自爾除妖氛河湟父老

何忻忻受降城外重耕耘

苦熱行

六龍銜火燒寰宇
魏王冰井如湯煮
松枝桂葉凝若癡
喘殺谿頭嘯風虎
北溟鎔却萬丈冰
千斤凍鼠壯如蒸
我聞胡土長飛雪
此時日晒地皮裂
僊芝瑤草不敢茁
湘川竹焦琅玕折
西郊雲好雨不垂
堆青疊碧徒爾為

瑞蓮歌

并序

宴設都頭宋承武其先嘗為黃州刺史有別墅在闕城



東南池生瑞蓮承武來告因與從事曾校書汎小舟以
驗之退而作歌以紀其事

江城五月江雨晴荷花到處紅交橫宋家池上瑞蓮生
嫋嫋出叢抽一莖莖端茁茁開兩朶忽似娥皇將女英
九疑望斷蒼梧暮低頭並照湘波清花落蓮成碧於卵
瑟瑟塵輕熨人眼蕭郎弄玉合卺時一齊覆下瑠璃盞
草木之靈載圖史守臣盡可聞天子吾君有詔抑祥瑞
異獸珍禽不為貴瑞蓮無路達冕旒也隨衆卉老池頭

吏民歸美賀郡守敢貪天功為已有古來善政數杜詩
桑無附枝麥兩岐瑞蓮信美產茲土起予謾作閒歌辭
年年更願再熟稻倉箱免使吾民饑

筵上狂歌送侍綦衣襖天使

昔事先皇叨近侍北門西掖清華地太宗多材復多藝
萬幾餘暇翻綦勢對面千里為第一獨飛天蛾為第二
第三海底取明珠三陣堂堂皆御製中使宣來示近臣
天機秘密通鬼神乃知綦法同軍法既誠貪心又嫌怯

唯宜靜勝守封疆不樂窮兵用戈甲先皇三勢有深旨
豈獨一枰而已矣當時受賜感君恩藏於篋笥傳子孫
至道年中出滁上失脚青雲空悵望移典維揚日望還
軒轅鼎成飛上天龍髯忽斷攀不得舊朝衣上淚潺湲
吾皇曲念先朝物徵歸再掌西垣筆悲涼忽見紅藥開
哭臨空隨梓宮去年領郡得齊安山州僻陋在江干
黃民誰識舊學士白頭猶作老郎官昨日江邊天使到
隨例霑恩著衣襖皇華本是江南客久侍先皇對棊奕

筵中偶說當年事三勢分明皆記得我從失職別上臺
御書深鑠不將來遙想棊圖在私室天香散盡空塵埃
今日因君聊話及翻作停杯向隅泣人生不易逢聖朝
君恩未報雙鬢凋金鑾殿花春灼灼永熙陵樹夜蕭蕭
空嘆拖腸在泥土不如舐鼎升煙霄多病相如猶未死
追思往事欲魂銷星使今辰迴馬首強對離筵滿傾酒
悲歌一曲從事書唱與朝中舊知友

還楊遂蜀中集

上玄茫昧胡為乎施設吾道生吾徒否多泰少是天意
生有述作死不虛聖人憂患方演易賢者窮愁始著書
盡令富貴陷逸樂蠢蠢戢戢如雞豬泯然無物作時瑞
誰識鳳凰與騶虞經史子集燦今古粉繪帝道張皇謨
一言可采即不朽名姓長與日月俱乃知天心厚我輩
窮辱不足形悲吁夫君擢秀在江左國小而逼何區區
科名始得值兵火金陵坐見成丘墟歸朝纔得一贊善
黜降重為縣大夫彰明僻遠在蜀道又遇妖賊攻成都

徒行抱印入隴氏乞食夷落何崎嶇歸來朝請作主簿
朱衣暗澹鬢毛踈昨朝投我蜀中作錦然一集如瓊琚
杜甫奔竄吟不輟庾信悲哀情有餘我逢聖代自多難
謾誇三入承明廬近令編綴小畜集謫官詩什何紛如
才名官職不兩立真宰折刻分毫銖郎官踈遠既未貴
縣吏禮數不足拘相逢且說文章樂為君酌酒焚枯魚

啄木歌

淮南啄木大如鷄頂似仙鶴堆丹砂背長數寸勁如鐵

金
五
四
八
卷十三
丁丁亂鑿乾枯查黃柑紅桃多有蠹受命鳳皇須破柱
何當更與繡衣裳羽族橫飛作持斧

秋鶯歌

淮南八月尚有鶯關關無異來時聲東風擡舉如黃舌
何事經秋猶未絕飢鶯病鶴亦能鳴鳳鳥不聽何處說

江豚歌

江豚江豚爾何物吐浪噴波身突兀依憑風水恣豚豪
吞啗魚蝦頗肥腴肉腥骨鯁難登俎雖有網羅嫌不取

江雲漠漠江雨來天意為霖不干汝

俗云豚出則有風雨

小畜集卷十三

欽定四庫全書薈要卷一萬四千一百三十九

集部

小畜集卷十四

宋 王禹偁 撰

雜文

唐河店姬傳

滁州五伯馬進傳

有巢氏碑

紀孝

紀蜂

紀馬

錄海人書

後序

并語

譯對

書蝗

畫紀

唐河店姬傳

唐河店南距常山郡七里因河為名平時虜至店飲食
作息不以為怪兵興已來始防捍之然亦未甚懼端拱
中有姬獨止店上會一虜至繫馬于門持弓矢坐定呵
姬汲水姬持綆至趨井懸而復止因胡語呼虜為王且
告虜曰綆短不能及也姬老力憊王可自取之虜因繫
綆弓杪俯而汲焉姬自後推虜墮井跨馬詣郡馬之介
甲具焉鞍之後復懸一彘首常山民吏觀而壯之噫國
之備塞多用邊兵蓋有以也以其習戰鬪而不畏懦矣

一嫗尚爾其人可知也近世邊郡騎兵之勇者在上谷曰靜塞在雄州曰驍捷在常山曰廳子是皆習干戈戰鬪而不畏懦者也聞虜之至或父母轡馬妻子取弓矢至有不俟甲冑而進者頃年胡馬南下不過上谷者久之以靜塞騎兵之勇也會邊將取靜塞馬分隸帳下以自衛故上谷不守今驍捷廳子之號尚存而兵不甚衆雖加召募邊人不應何也蓋選歸上都離失鄉土故也又月給微薄或不能充所賜介冑鞍馬皆脆弱羸瘠不

足禦胡其堅利壯健者悉為上軍所取及其赴敵則此輩身先宜其不樂為也誠能定其軍使有鄉土之戀厚其給使得衣食之足復賜以堅甲健馬則何敵不破如是得邊兵一萬可敵客軍五萬矣謀人之國者不于此而留心吾未見其忠也故因一姬之勇總錄邊事貽于有位者云

滁州五伯馬進傳

進隸滁州軍籍又為五伯三世矣進之子生而無左臂

若髡截然句時人以為世主杖笞多納財利而高下其

人輕重其手天譴之爾嗚呼鞭作官刑扑作教刑則鞭

扑者帝王之典也可不慎乎今之杖刑非古也古者示

恥而已故有蒲鞭而誠者有束杖而治者雖然上失其

道民散久矣非刑不足以驅人之善也既不得已而用

之其可以喜怒財貨易其心乎彼五伯賤隸也刑不自

口出但以重輕不平而天譴若是況執天下之刑者耶

吾見世祿之家子孫替墜殘癰疾瘵者有之為人僕妾

者有之饑寒道路者有之豈止用刑之濫也其諂主忌
賢剥民固寵斯天譴之大者矣作馬進傳以自誠云

有巢氏碑

我承天命作民之帝生而不號死而無諡居民以巢因
得為氏我先伏羲卦象未畫大壯之說我民不知憑高
就樹作巢之基橫芻蕘蔽空啓扉向風踈不為拙密不為
工晨翔暮棲與禽鳥同弗罟弗網壽其考終比

讀如比
屋之比

巢熙熙若居天宮無何後主上棟下宇萌以堂奧漸

其庭戶鳩繩聚墨迴廊合廡痛乎我巢梢焉無覩猶賴
伊耆儉于一時椽不用斲堦無翦茨舜禹善嗣室宮孔
卑不壯不麗民其歌之至于周公攝政于姬明堂辟雍
有威有儀亦克用乂民罔知疲降及後世風俗澆漓窮
奢極侈蔓延而滋瑤臺瓊室夏商禍基章華壯楚忽焉
空王姑蘇麗吳閶然荒墟阿房侈秦以荆以榛未央奢劉
為隴為丘秦漢之下土木孔修霜斧雪斤于雕萬鏤金
凝碧融簷架霓鈎窓綺暈透壁椒氣浮民力欲死工程

不休惟競壯觀孰知衆叛刑以三夷賦收大半門門出
租室室思亂一家百楹束手而散追思巢居如捫天漢
於戲太古之君居民以巢非君之巢惟民之巢故民不
勞後世之主宅民以宇非民之宇惟君之宇故民罹苦
何當仁君常念巢居上節宮觀下豐室廬縱不及于有
巢亦庶幾堯乎舜乎大禹乎周公乎

紀孝

占城大食之民歲航海而來貢于中國者多矣有父子

同載至福州而喪其父者其子擗踊殯咽水漿不入于口者三日過是始汲泉于江濱糠粃而食之廬于墓側三年徒跣既終喪行有日矣又遠墳號慕幾絕者數四然後登舟而去嗚呼三年之喪天下之通制自天子至于庶人一也是以高宗諒闇三年不言又夫子曰何必高宗古之王皆然也漢代以來始有以日易月之禮至于人臣亦用金革之說皆非古也古者大臣有喪三年不呼其門故閔子腰經從公春秋謂君使之非也素冠

之詩疾之已甚近代以來喪禮尤廢而蠻貊之人獨能盡禮豈教之也哉所謂中國無禮樂則求之四夷非虛語也進士池文質閩人也目覩其事為予說云

紀蜂

商於兎和寺多蜂寺僧為予言之事甚具予因問蜂之有王其狀何若曰其色青蒼差大于常蜂耳問何以服其衆曰王無毒不識其它問王之所處曰窠之始營必造一臺其大如粟俗謂之王臺王居其上且生子于中

或三或五不常其數王之子盡復為王矣歲分其族而去山眊患蜂之分也以棘刺闕于王臺則王之子盡死而蜂不拆矣又曰蜂之分也或團如罌或鋪如扇擁其王而去王之所在蜂不敢螫失其王則潰亂不可嚮邇凡取其蜜不可多多則蜂饑而不蕃又不可少少則蜂惰而不作子愛其王之無毒似以德而王者又愛其王之子盡復為王似一姓一君上下有定分者也又愛其王之所在蜂不敢螫似法令之明也又愛其取之得中

似什一而稅也至于刺王之臺使絕其息不仁之甚矣
故總而紀云

紀馬

今諫議大夫東莞臧公

丙

予之執友也其先人事故魏

王符公

彥卿

諫議亦頗熟王之家事為予言王之在鄴

也多畜名馬其牝亦有良者為之息種歲擇健馬以配
之往往得駿骨居一歲有牝產子與他駒特異者既壯
圉人將以合其母當孳尾之月出而示之見其所生卒

無欣合之態將強之則蹄齧不可嚮適圍人復曰以是

駒配是母幸而騶

狸談以牝馬為騶壯馬為騾

其駿必倍不幸而騾

又獲其種明年將胥靡之

腐刑也狸言改馬也

不可失也乃以數

牝馬誘之乘駿作之勢以巾羈其目間而進其母既已

句徹巾然後曉其所生因垂耳俯首若不欲活者旁顧

適有永巷

但取其巷之長也非謂宮中之名

脩直百餘步巷際有閉閤

閤巷門也春秋傳曰輦而入于閤

扃鑰甚固蓋常所不啟者遂哀鳴疾

馳以首觸其鋪

平

如是者數踣而死嗚呼禮稱禽獸無

禮故父子聚麀夫馬本獸也古聖人調伏而禦御之故曰服牛乘馬是也是馬也獸其身而人其心乎圉人誘陷知恥而死于小人之心也遠矣圉人之心望于禽獸者又遠矣予嘗恨不目覩其事具敝帷以葬之又懼其事久泯而不傳且欲警聲色狗馬之家與世之內亂者故記

錄海人書

秦末有海島夷人上書詣闕者曰日月東海島夷人臣某謹昧死再拜上書皇帝闕下臣世居海上盜魚鹽之利以

自給今秋乘潮放舟下岼漸遠無何疾颺忽作怒浪四起
飄然不自知其何往也經信宿風恬浪平天色晴霽倚橈
而望似聞洲島間有語笑聲乃疊棹而趨之至則有居人
百餘家垣籬廬舍具體而微亦小有耕墾處有曝背而偃
者有濯足而坐者有男子網釣魚鼈者有婦人采擷藥草
者熙熙然殆非人世之所能及也臣因問之有前揖而對
臣者則曰吾族本中國之人也天子使徐福求仙載而至
此童男卅女即吾輩也夫徐福妖誕之人也知神仙之不

可求也蓬萊之不可尋也至是而作終焉之計舟中之
糧吾族播之歲亦得其利水中之物吾族捕之日亦充
其腹又取舟中葩卉以芼之由是吾族延命而未死焉
死則葬於此水矣生則育於此洲矣懷土之情亦已斷
矣且不聞五嶺之戍長城之役阿房之勞也雖大半之
賦三夷之刑其若我何且出食以餉臣明日臣登舟而
迴復謂臣曰子能以吾族之事聞于天子乎使薄天下
之賦休天下之兵息天下之役則萬民怡怡如吾族之

所居也又何仙之求何壽之禱耶臣因漂遐方得此異說弗敢隱匿謹錄以聞惟陛下詳覽焉

後序

此書獻時蓋秦已亂而不得上達故史記闕焉余因收而錄之以示于後

并誥

惟四年王歸自尅并敷告并民作并誥王若曰惟天壽萬物罔厥私唯君克肖上帝宅兆民罔厥暴天大唯其

辰星罔不拱人大唯其君邦罔不順不拱之謂亂天作
沴不順之謂逆君行罰古先哲王奉承天休時唯有唐
討厥丹浦時唯有虞征厥三苗在後世王克嗣二帝以
征以討以正厥位惟台涼德荷天之寶命在厥躬祇栗
危慄若濟巨海而弗庸舟惟其溺我先帝王土建國十
有九祀克用于賢克修于兵乃儉乃勤乃慈乃仁德升
于天天降祐我有宋俾萬方奉我命唯巴蜀交廣湘潭
吳越人罔敢弗率非天私于有宋唯天輔我先帝之明

德我先帝負天休命若將不逮薦以太牢報功于天祀
于園丘嚴配我祖庶邦家君罔不助祭唯時有并悖我
命不供厥職我先帝奉天行誅問并之罪大勲未集用
棄厥世天之厯數在予一人予一人奉承先帝之令德
以荷天永命乃繕予甲冑治予車徒用輯我先帝之遺
烈在并王元姦猾弗悛罪惡日稔毒流于下民罔攸蘇
國艱厥食督民先歲租至于牛馬羊豕犬雞莫得蕃息
民咨胥怨訴于皇天天鑒并民俾予弔予曷敢拂天以

速台罪伏順取逆并人率服唯并王元台亦有厥辜俾
即生獻俘太廟光我祖禰羣后咸覲以稱台德嗚呼并
王元反道于天戾道于民非予咎汝汝實自喪于厥身
凡厥并民悉聽朕言闢乃田廬修乃耒耜復乃業無流
蕩離析無若并元時予其子育汝汝率我化從我教我
其賞懷我政違我道我其刑惟刑賞在台手勉從訓
罔或怠宥既尅并思偃武作休兵且將東巡狩于岱宗

作告成

休兵告成
二篇皆七

譯對

人有善道遠方之言可以合夷會戎交蠻接狄與中國之人市易而能不亂者其名曰譯或從而學之對曰吾譯之小者也又何學焉夫譯易也大則能易其心小則易其語而已矣古者巢居穴處茹毛飲血無君臣父子夫婦長幼之制無道德仁義禮樂刑政之法蠢然而生仆然而斃當是時天下之人皆戎狄爾是以伏羲神農黃帝氏始善譯者也以皇道譯天下之人心故飲食衣

服器械耒耜牛馬之用作焉少昊顓頊高辛唐虞又善
譯者也以帝道譯天下之人心故君臣父子夫婦長幼
之制行焉夏商周又善譯者也以王道譯天下之人心
故道德仁義禮樂刑政之法興焉三代之下譯天下者
或非其人故諸侯之善譯者以霸道譯之齊桓晉文譯
霸之傑也秦不善譯者也天下之人幾復為戎狄矣漢
復譯之猶雜霸焉自漢而下譯道多亂吾不復述也已
噫古之譯天下者非已能之必有師焉力牧廣成皇之

譯師也伊尹呂望王之譯師也管夷吾舅犯霸之譯師也蕭曹子房漢之譯師也總而言之周公孔子譯之最大者也天下之人師之矣子之學譯勿學譯之小者不過合華夷之語取商販之利爾當學周孔之道可以為帝王師所謂譯之大者歟學者謝而退

書蝗

仲尼修春秋設凡例物為災則書之不為災則闕之蓋物之災祥繫君之善惡特取其為災者以垂戒爾苟不

為災者亦書之則慮後之為君者謂災不由德而由于數也斯聖人之微旨在焉故傳曰有蜚不為災亦不書噫去聖漸遠詭誕爭起陰陽家流得以蔓其說使君天下者視天災時變不務德以禳之但委其數而已吁可悲也然則君有修德禦災轉禍為福者苟滅而不書何以儆後代是以堯水湯旱非不災也能以德禦之爾皇宋嗣統之七載夏四月有飛蝗上念災盛稼穡之重則貶常膳避正寢徹宮懸青災卹刑以救天下曾未旬浹

蝗死于野或曰皇上以勤儉之德馴致太平無為之風將有待也天其或者慮怠于理故用蝗以為戒果能修德以禦之則我后之德唐堯之德也宋景之退熒惑太宗之去蟲蝗得為此耶儒臣不佞敢作書蝗一篇附于國史之末非獨彰我朝之善亦欲垂後世之戒也

畫紀

古者自天子至士皆有家廟祭祀其先以木為神主示至敬也唐季以來為人臣者此禮盡廢雖將相諸侯多

祭于寢必圖其神影以事之淳化甲午歲某小子竇罹
大罰洛陽處士楊丹寫我顯考中允府君神采盡妙禮
曰思其居處思其笑語思之不見則或形于夢夫夢者
有時而神交不可常得矧其恍惚冥昧不能審諦乎未
若約形取貌宛然如生歲時朔望拜起瞻仰以慰罔極
之心祇肅視之第不語爾嗚呼楊丹有大造于吾家也
復念吾家苦貧而無厚幣以飽丹欲丹亦好事者也從
吾乞言吾以秉筆不文請俟服闋今大祥已竟可以鼓

琴贈之斯文命曰畫紀

小畜集卷十四